

01/3
M.06.2020
UR

BOSNA I HERCEGOVINA
UPRAVA ZA INDIREKTNO OPOREZIVANJE
BANJA LUKA
ODJELJENJE ZA KOMUNIKACIJE I MEĐUNARODNU SARADNJU
Broj: 01/3-50-4-UP/I-34-1/20
Banja Luka, 10.06.2020. godine

Na osnovu člana 14. stav 2. Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), te člana 5. stav 1. tačka b) Pravilnika o unutrašnjoj organizaciji u Upravi za indirektno oporezivanje („Službeni glasnik BiH“, broj: 29/13) u postupku odlučivanja po zahtjevu pravnog lica Radio i televizija Federacije BiH iz Sarajeva za pristup informacijama, Odjeljenje za komunikacije i međunarodnu saradnju, d o n o s i

RJEŠENJE

Odobrava se Radio i televiziji Federacije BiH iz Sarajeva pristup informaciji o tome da li je firma "Medietik" d.o.o. Banjaluka 8. ili 9. aprila uvezla respiratore; koliko tačno respiratora je uvezeno, te iz koje zemlje; kolika je ukupna vrijednost uvezenih respiratora?

Obrazloženje

Pravno lice Radio i televizija Federacije BiH iz Sarajeva podnijelo je dana 10.06.2020. godine Upravi za indirektno oporezivanje BiH, u skladu sa Zakonom o slobodi pristupa informacijama u BiH, zahtjev za pristup informaciji o tome da li je firma "Medietik" d.o.o. Banjaluka 8. ili 9. aprila uvezla respiratore; koliko tačno respiratora je uvezeno, te iz koje zemlje; kolika je ukupna vrijednost uvezenih respiratora?

U postupku obrade zahtjeva utvrđeno je da su predmetne nabavke robe (respiratora) pruzokovane pandemijom širenja zarazne bolesti izazvane virusom Covid-19, a tiče se nabavki robe za javne institucije iz budžetskih sredstava sa raznih nivoa vlasti u Bosni i Hercegovini.

Iz navedenog proizilazi da objavljivanje informacija prema predmetnom zahtjevu za pristup informacijama je opravdano javnim interesom, u skladu sa članom 9. Zakona o slobodi pristupa informacijama.

Slijedom navedenih činjenica, odlučeno je kao u dispozitivu rješenja.

Pouka o pravnom lijeku: Protiv ovog rješenja podnosilac zahtjeva ima pravo podnošenja žalbe direktoru Uprave za indirektno oporezivanje u roku od 15 dana od dana prijema rješenja. Žalba podliježe plaćanju takse u skladu sa Zakonom o administrativnim taksama („Službeni glasnik BiH“, broj: 16/02, 19/02, 43/04, 08/06, 76/06, 76/07, 03/08, 42/08, 03/10 i 98/12).

NAČELNIK ODJELJENJA

Ratko Kovačević

Dostaviti:

1. Radio i televizija Federacije BiH,
2. Odjeljenju 01/3 2x
3. a/a

, 71000 Sarajevo (iz dostavnicu)

